

Թեան աղերսագրոյն՝ զոր առաքեցիք, առանց խառնելոյ
 և մտանելոյ Հանդիսի մերոյ ուխտաւորացն Հայոց, բաց 'ի
 մշտնջենաւոր պաշտօնէից Ս. Գրքմանին: Եւ ըստ սմին
 օրինակի՝ կատարեցին հանդէս^ս և արարողութիւնք ձեր
 յաւուր տօնի Զատիկն ձերոյ՝ առանց մտանելոյ և խառ-
 նելոյ ուխտաւորաց՝ համազգեաց և միաբանաց մերոց, բաց
 'ի նոցանէ որք կան 'ի սպաս ծառայութեան Ս. Գերեզ-
 մանին: Այսու եղանակաւ յուսալի է մեզ սիրով և խա-
 ղազութեամբ անցուցանել զաւուրս մեր և թողուլ զօ-
 րինակ բարի զկնի մեր յաջորդաց մերոց. զի եթէ պատա-
 հեսցի 'ի Ժամանակին սոյն օրինակ փոփոխումն Զատիկի,
 հետեւեացին օրինակիս այսմիկ: Հեռացին և խափանեցին
 այն ամենայն չարիք և անկարգութիւնք եւ փակեցին
 դրունք տարապայման ծախուց, մանաւանդ զսրովելի
 զայթակղութեան, յորմէ ոչ ծնանի այլ ինչ, բաց միայն
 վրաս և վատահամբաւութիւն՝ եւ այլ ամենայն անբարի
 գործք, զորս մեք և Սրբազնութիւն ձեր քաջ գիտեմք:

Նկատելով զհանգամանս վիճակին մերոյ և ձեր, ոչ ինչ
 պատշաճ համարիմ զերդմանն բան 'ի մէջ ածել եւ երդ-
 նուլ, այլ եղիցի բանն մեր այոն՝ այո, եւ ոչն՝ ոչ: Զի
 թէպէտեւ անայլայլելի Փրկիչն մեր սակա առաւել կատա-
 րելութեան եւ հաւատարմութեան մարդկանց բազում
 անգամ զերդումն 'ի կիր էարկ, « Երդուաւ Տէր և ոչ եւս
 զղջացի », սակայն եւ այնպէս հետեւելով մշտնջենաւոր
 օրինակի նորա, ահա այսու դաշամբք հաւաստեմք և խոս-
 տանամք, զի եթէ ոք յերկուց կողմանց, կամ մեք և կամ
 Սրբազնութիւն ձեր փոփոխել համարձակեցի, եւ կամ
 ոչ կամեցի կալ մնալ 'ի վերայ այնմ ուխտի, որ խաղա-
 ղասէր մօռք հաստատեցաւ 'ի միջի երկոցունցս, ուղղակի
 և կամ անուղղակի, ընդ համազգիս եւ կամ ընդ օտարս,
 և կամ որ և իցէ եղանակաւ, և կամ նոյն իսկ 'ի մէջ Ս. Ե-
 րուսաղէմի, նոյնք Փրկչին մերոյ Յիսուսի Բրիտտոսի եղի-
 ցի 'ի վերայ նորա, եւ դատապարտեցի յայսմ աշխարհի
 և 'ի հանդերձեալն առաջի հրեշտակաց և մարդկան. և յա-
 ւուրն դատաստանի և 'ի սոսկալի ատենին Բրիտտոսի՝ այն-
 պիսին տացէ պատասխանի իբրեւ թշնամի միաբանութեան
 և օգտի հասարակաց: